

救劫回生

卷三

仁人君子好善為先廣傳
神訓功德無邊所刊實事足植
心田勿置高擱致褻
聖仙如或不閱請送他賢敬相
勸化福祿絲絲

風陵文庫

文庫19

F 325

3

30

25

20

15

10

救劫回生三卷目錄

普佑真仙序

藍大仙詩二首

呂帝詠山居詩

何祖元君序

張大仙詩二首

曹大仙詩

雲遊仙序

四將軍聯詩

何大仙詩

信國公勸忠文

武帝詩六首

淡然仙詩二首

土神詩九首

桂宮四仙聯詩

觀音大士詩

韓大仙詩二首

關將軍諭二篇

戒憲姑薄媳文

斗口魁星詩二首

南極老仙詩

吏役假威文城隍降

文帝諭詩共四首

魁星惜字文

宏教真君語

文
目
錄

救去回生

呂帝詞訓

張桓侯諭

何祖元君詩

雲遊仙詩八首

呂帝勉兄弟歌

佛祖詩話並諭

呂帝詩廿六首

王天君話

水官詩並諭

勸公門積德文

温天君警世文

文信國公詩

打胎溺女文

周將軍詠月詞

廖將軍話

李仙詩三首

呂帝大秤小斗貪殘惡報文

桂宮王仙詩

桓侯寓賭剝財惡報文

正陽帝君詩

江右總城隍勸為官弗聽書吏文

飛天魔王詩話

觀音大士詩並勸婦女文

普佑周公真仙序

塵寰落落人類紛紛慧眼遙觀惡氛盡熾觀三千之世界嗟億萬之生靈倫紀敗於家庭孝弟安在欺詐遍於都市忠信悉忘勢利矜誇背禮因而滅義貪污成性鮮恥於以寡廉極目富貴貧窮未犯者不異碩果統閱智愚賢否曾行者有如恆沙無怪福祿消滅孽籍累如山邱時運乖違凶星遞為纏擾足未至其幽冥已陷地獄身雖生於陽世早作罪囚此皆人之心而為之

振書回生
也而天心不忍矣天律難寬矣而神聖之心不
安矣幸矣哉

闕大帝通明苦奏勅開化以飛鸞
文帝君桂籍權衡願牖民以覺世仰
孚佑之仁慈垂書降筆仗

羣真之法力振聵發聾誥誡叮囑費辛勤於數載奔
勞旦暮宏誓願於一書統天地人三曹元秘盡
洩舉儒釋道三教妙蘊悉昭盡美盡善至微至
精臨壇作序贊

聖德之無窮微妙莫名謹稽手而作偈偈曰大哉是
書脩心轉性訓誥典謨孝弟忠信集一大成羣
經包孕救劫回生金鐘玉磬

時

聖清同治十一年新正二十三子時洞陽周奉
三帝命降著

何祖元君序

自無極開而後太極明陰陽於以定位焉天皇
 始而後人皇繼宇宙於以廣生焉甲子之三萬
 六千循環一轍寅卯之二十四數總攝三才世
 會之原其定此乎是以聖賢挺生師儒闡教建
 千百年人倫之極立億萬世大道之規六合九
 州咸歸化育此所謂無所不用其極也乃以世
 風趨下正氣耗亡而忠孝節義遂日形於剝削
 而不知日就於沈溺而不顧真理一失則真氣

未有不滅亡者噫人道若此可勝悼哉蓋至是
聖帝憫焉諸神體焉不得已而以神道行於下界垂
書降筆普救黎民而謂得為細論也乎噫蓋欲
復此三萬六千二十四數而總歸於一元乎惟
有是意故有是心有是心乃有是道有是道而
後乃有此救劫回生一書
時

聖清同治十一年新正初八日亥時降著

雲遊仙序

夫序者緒也循其緒而詳言其事探其序而實
按其原也救劫回生一書屢經諸神贊揚羣真
歎賞其緒其原無不曲盡精微夫亦何庸再贅
然茲特奉

帝命不辭簡陋是為謹序夫天下之善書多矣而其
正人心維世道者莫如回生一書天下之勸文
亦夥矣而其明功過別善惡者亦莫如回生一
書何言之人心不懲則不動不指則不悔世道

不輔則不轉不勵則不善此書指隱微說風氣
幽獨屋漏嚴若大廷領其訓者無不翻然復亟
然改也所謂正人心者此也世風於今機械變
詐雖有善者亦無可如何是書內反覆指陳歷
言世情之病根明點斯人之惡習明者讀之愚
者聽之自可由警斯畏由畏斯勵同登善域共
踐德門而宇宙於以安焉所謂維世道者此也
至於明功過別善惡格言無不詳明詁訓皆為
切實要其摘隱伏指非為何者為功何者為過

善有真偽之分惡有大小之別若對鏡若權衡
若砥礪刻責誘掖獎勸者斯書盡之亦斯書包
之而涵之也所謂明功過別善惡者此也嗚呼
大矣哉是書之有功于斯世也豈淺鮮哉吾幸
叨神職忝辱卑位每憾是書相見之晚朝夕咏
歎獎譽不置蓋不意得伸其贊揚之忱也撰序
之餘不勝惶恐之至

昔

聖清同治十一年新正十五日奉

不愧股肱。時或勢處萬難。必期成仁成義。國運孱弱。尤宜安世安民。縱或天命難留。捐軀殉節可也。臣心不貳。瀝膽披肝。惜哉。庶乎不為具臣。而不愧其為臣者矣。嗚呼。青史光榮。千載下猶聞特筆。赤心皎潔。萬代後不昧孤衷。盡忠以成其身。全忠以著其節。悠悠終古。此之謂大丈夫。

七月初五夕 此後在桃源降

土神語 吉祥有兆。喜氣盈庭。別開洞宇。去見仙人。吾會同值符使者。前去請仙。候四刻回報。

韓大仙詩話

瑤池會土聽瑤琴。一曲霓裳悟道心。玉笛清幽隨鶴舞。銀簫宛轉和鸞音。蟬聯詠罷呵呵笑。蝶夢醒時栩栩吟。若問神仙何樂也。打開腔子靜中尋。吾時纔在瑤池。奉文帝及呂純陽道友面諭。見勞君清潔。文帝欲來此壇有諭。今夕俱不能來此。候

過三夕。虔誠設壇。切不可將信將疑。此囑。

初九夕

土神語 吾奉命報知 亥正文帝至 子初呂帝至

桂宮列仙報 吾乃王 杜 蘇 郭 吾乃天驍

星 吾地啞星 吾金甲仙 吾王靈官

斗口魁星詩

萬丈文光離桂宮。金鰲瑞氣燦西東。掄才取士憑陰
騭。德大功深指顧中。

文帝駕臨

文帝詩

飛鸞開化醒愚癡。率土蒼生仰大慈。位證文昌經歷
劫。恩榮真慶賴修為。吉祥雅韻諸天泰。孝友家風累
世宜。堪歎斯民多積孽。臨壇懶作教人詩。

吾前與二帝及諸仙眾。宴赴瑤池。有值日功曹奏
道。此地設壇請此一事。吾即命顯祿侯。查閱冊籍。
見汝歷任以來。上懷輔國之志。下無虐民之心。故
命韓仙預報。吾臨此壇。念爾心之誠也。但人雖聖

賢豈能無過汝當自細省察吾亦不須指明此地
人心不正者多汝雖有意化民一時難於遷改然
汝之心盡矣再者吾輩去歲在長邑所降救劫回
生一書尚未全完意欲於此再降數篇增刊以成
其美奈汝身在重任又公事甚繁難全其事但此
處之人疑議甚多以後可信者信之不信者不必
私議吾今略為指破免招過愆吾今夕臨此乃汝
之誠非吾之不惜其身也餘事候呂帝來壇吩示
吾去也。

土神報

呂帝駕臨

孚佑帝君詞

一陣清風下鸞堂。遠是仙鄉。邇是仙鄉。沙盤木筆寫
幾行。日也奔忙。夜也奔忙。為官清正守此邦。君也仰
望。民也仰望。為子盡孝奉爺娘。生不可忘。死不可忘。
乳鵲同巢敦倫常。兄勿參商。弟勿參商。琴瑟清音叶
鳳凰。夫要醕良。妻要醕良。朋友有信集一堂。你無乖
張。我無乖張。錢財猶如草上霜。有亦平常。無亦平常。
多修陰德與兒郎。貴自久長。富自久長。超昇先祖達

窮蒼祖沾其光。宗沾其光。嘔心吐血。摘詞章。事不荒唐。理不荒唐。桃源洞口好尋芳。你駕慈航。我駕慈航。惱憾愚民心不良。枉費心腸。枉用心腸。盛世天子壽無疆。神代宣揚。仙代宣揚。

爾等聽分明。吾乃洞賓。雲房引我金丹路。道果圓成。玉旨勅我身。開化凡塵。倘有狐疑難決事。隱指迷津。今夕玉旨來臨。餘事難週。吾去。

十二夕

土神語 吾乃一土神。理陽亦察陰。位職雖卑小。總

歸神道中。 候三刻 雲遊仙至

雲遊仙詩話

擾擾塵凡誰見真。曾經歷劫悟元神。大千世界空空相。醉夢醒時道果成。

任生爾所稟全成。回生一書。勞君既難全成。此事爾可盡心為之。太上感應篇有曰。人心起於善。善雖未為。常有吉神察之。心起於惡。惡雖未為。常有凶神隨之。此二語誠不虛也。爾可於中元節後設壇。待吾師與文武二帝商議。自然有示。

十五夕

土神詩話 跨鶴飛此滿大千。千萬人中尋有緣。緣分本由前果定。定心養氣會神仙。少刻呂帝降孚佑帝君詩

醉眼矇矓出南天。呵呵大笑到壇前。呼雲撈起江頭月。坐雨吹開袖底煙。無語言中皆樂趣。有山水處即仙緣。茫茫世事人如海。幾個撐篙到日邊。

任生爾所許印送回生書一事。前已示知。爾母為山九仞。功虧一簣。爾所印之書。與爾父消愆。但查

冊內。爾父尚無大過。不若將書概歸爾母。以成其美。可。爾外求之件。武帝已批准。候印送行後。照例施行。劉生所求亦然。再者爾等。果有真心。全成此書。乃一美事也。但心一定。無得反覆。此囑。

十六夕

土神語 赫赫明明。故謂之神。視之不見。聽之不聞。爾有誠意。無曰不靈。少刻呂帝降

孚佑帝君詩 善惡兩關。祇一心。幾微動處。判人禽。能於方寸。根天

性。自爾厥躬對影皮。聖域非遙須上達。迷津無路總幽陰。分明剖督愷與汝。勿聽鈞音昧五音。

昨宵星斗落湘江。打破紛紛吳楚艘。驚醒游魚波蕩蕩。頻開皓月水淙淙。鈞音一曲回迷夢。暮鼓三通破曉窗。往昔戴盆皆莫見。從今舉步有雲托。

勉陶生 桂蕊飄香餘味濃。也然曉露得天鍾。栽培傾覆原因質。葉茂花鮮荷陶鎔。

勉劉生 曩為野鷺伴沙鷗。今作鸞凰嘯玉樓。只待風雲交翼去。翩翩一翮到瀛洲。

勉任生 善路相逢福最多。保護靈光賴志磨。悟透源頭明至理。花開果結聽仙歌。

二十九夕

土神語 吾土地是也 呂童丑初降 李仙至

李大仙詩

呵呵大笑下鸞臺。一個金仙上界來。拐杖挑雲肩萬象。葫蘆納宿入三才。虬髯海水皆掀破。跛足關山盡踏開。欲識金丹何處煉。離宮窩裏是蓬萊。

孚佑帝君詩

元皇命我下天庭。闡化飛鸞喚世醒。不進功修由自
進。莫形妙道乃無形。種瓜得地終還本。結果前因信
有靈。普諭羣生多積善。回頭即岸快惺惺。
爾等將此書全成。則文武二帝之心亦安矣。又所
費不多。而功實大也。

三十夕

土神詩話 紅日炎炎出東谷。扶桑一刻即西竺。紅
光照處滿塵寰。天地為之一清淑。可憐蜉蝣夢裏
人。邊在火坑猶坦腹。晨鐘暮鼓喚未醒。可嘆庸夫

空勞碌。少刻呂帝降

孚佑帝君詩

廣種福田造根基。陰隲一篇宜守持。大道無他皆性
道。良知不昧即生知。文章貴有六經氣。人品須如八
愷奇。諭爾諸生敦德行。休甘暴棄負予期。

土神語 吾是土神。正直聰明。諸生遇此。各有緣因。
時纔送呂帝返宮。命吾來示。劉生所許印送書。武
帝已命衛房聖母。填入延嗣冊內。可即照數印送。
任生亦然。此示。

八月十七夕

土神語 呵呵嗷嗷將吾喜煞。全善堂中喜事臨。
臨頭慧果結人心。心香瓣瓣勤培植。植蒂陳盤和
仙吟。生等有一片誠心。武帝賜爾等之堂。名曰
全善堂。但不可懷其異志。此示。

桂宮王大仙詩

畢世文章一代留。深慚末藝也傳流。三生慧果捐名
路。萬劫靈光賴性修。才子無才終破壁。哲人有哲免
吞鉤。六經大義皆元妙。何事金丹暗骨抽。

雲遊仙詩話

任生爾定意戒煙。吾有詩曰

鴉煙毒害治偏難。病入膏肓透膽寒。竒採陰陽鎔草
木。巧研金石換心肝。千重再造三元劑。一料回生九
轉丹。誰把露瓶周下界。吾師指示保心丸。請正目前
爾欲戒煙。須要自己將心保守。吾師配製藥方。不
過保爾不生他病。此囑。

二十三夕

土神語 特到鸞臺說分明。來了鎮壇土地神。報與
生等皆知悉。喜事臨頭快人心。 呂帝降

孚佑帝君詩

全成此事達穹蒼。善氣騰騰接帝鄉。堂有諸生如弟子。中傳寶訓慎皇皇。喜從神聖因材教。事統天人歲月長。到得功修圓滿日。了空塵世著仙裳。

此詩生等可從頭至尾。細看句首八字。但此事非尋常可比。吾全文武二帝。上奏通明。頒請五旨。爾等須從始至終。不可二志。此囑。

二十九夕

土神詩 慶雲一朵向空來。善氣喜從福地開。此際

吉祥花已放。奇香餘豔接天階。呂帝命吾鎮守

此壇。吾今日巳時。即同值日功曹。往崇甯殿。請武帝明夕赴壇。吾將生等功過冊籍。轉呈武帝。少時廖將軍傳語出口。聖帝覽之。頗有喜色。巳允初八日來此。復往桂香宮。請文帝。帝亦然。此皆爾等之奇緣也。宜珍之重之。

再諭曰。善惡原自有定。不可較論短長。立功惟憑心地。毋須表暴外揚。改過如同惡臭。為善只在自強。事神宜昭誠敬。臨時謹慎皇皇。諭爾諸生人

救劫回生 卷三
等切宜謹記勿忘。從此遵行不怠。自能得渡慈航。
吾今諄諄囑託。慎勿失悞津梁。待到佳辰節屆。自
然天賜吉祥。

九月初一夕

土神詩 天恩地德滿寰中。聖化洋溢兩大同。作育
人才扶世道。滿堂和氣賽春風。少刻呂帝降

孚佑帝君詩

修心修德爾蹉跎。船順好風海不波。努力前推彼岸
近。休將歌手棄星河。

孚佑帝君諭

今夫上古之世。神道與人相遠。是人心渾樸也。今之
世。神道與人相近。是人心不古也。蓋遠者人之心渾。
而天之道亦渾。渾也者。純是先天一點靈光。不必復
理而理自純。不必制欲而欲自淨。今人一腔機詐。毫
無半點善行。耳目聲口。起居思念。皆為欲字所累。而
所為之事。又皆自斷天良。不為粉飾欺人。即以陰險
瞞世。滿腹刀鎗。以為今而後可以長操勝算也。豈知
愈密愈形。愈藏愈露。三台北斗錄之。三尸竈神奏之。

紀算折盡。天奪其福。神償其罪。小而敗亡家道。大而
殄滅子孫。良足悲矣。能勿憫乎。噫。神道設教。一事於
是乎興矣。蓋人心之靈。莫不有知。有所蔽則無知。天
性之良。無往不善。有所壞則失善。惟神鑒其心。指其
行。彰瘡無私。聰明如一。故善惡果報。可顯然而見也。
今之神道與人相近者。即此是也。人其知之。

勸公門積德文

竊聞之公門積德。陰騭無窮。宰官而外。其惟書吏差
役乎。蓋人有呈詞白冤。或遭無辜之陷害。控官赴案。

或受意外之拘牽。盜命殺傷。勿使威而令是非之倒
置。刑囚笞杖。勿加怒而令孤苦之含冤。幸而有司仁
恕。必贊襄以成其賢。倘值縣令貪偷。宜力阻以救其
失。六房辯一字之冤。死罪或可超活。三班施半語之
德。屈案因而得伸。方便陰功。何苦狐威積孽。拯援德
惠。勿庸虎勢逞雄。不賣法以虐民。橫征暴取。不瞞官
而受賄。害命圖財。能如此。高車駟馬之於東海。安在
不可接踵也。嗟嗟。積德累功。莫甚官署。濟人利物。勿
過公門。世之為書吏差役者。以忠厚為心。以貪殘為

戒將見子孫之福澤。不待求而自至也。書吏差役各宜遵之。故曰人在公門正好修。此之謂也。

此回生一書。去歲降於長邑臨都。因壇內理事生等。畏首畏尾。故未完全。文武二帝。心甚不安。今爾等全成此事。二帝心甚懽悅。又因聞公門中人均是惡多善少。昨二帝命功曹及土地。將生等所到之處。及所行之事。普徧查明。無甚過惡。故二帝喜之。又允示期來壇。爾等真可謂三生有幸。此後宜踴躍前進。凡事神一切。不可失禮。此囑。

初二夕

土神語 吾鎮壇土地是也 少刻正陽帝君降

正陽帝君詩話

道破元音洩破機。一枝大筆不停揮。閒遊閬苑消煩遣。醉入蓬瀛少是非。瓊草琪花皆咏思。白雲紅日任來歸。金仙在此飄然度。漫說紅塵五氣飛。

吾昨在瑤池會上。呂友談及諸生。尚有可教。吾故來壇以全生等之善念。吾詩雖屬粗疎。其中略有意味。吾後再臨去。

李太仙詩

祥雲雅奏九重天。下界復聞總是緣。一畫琉璃如覲面。奇哉平地有金仙。

孚佑帝君打胎溺女報應文

竊以陰陽化生。陽為男而陰為女。乾坤運物。男屬乾而女屬坤。是故人之一身。天地授之。人之結胎。父母成之。豈輕易而為人也。奈何竟有打胎溺女者。何狠毒之甚也。顧或有女不守貞。玷閨中之事跡。家無餘食。致弄瓦而傷殘。厭生育之煩勞。投藥破孕。惡女子

之輕賤。流水溺亡。世人之打胎溺女者。大約如此。嗟嗟破體傷胎。嘆兒體之未備。淋盤溺水。哭女命之不辰。此屬即是路人。能無疾首。何乃分切骨肉。有是狼心。須知血塊胞胎。皆人命之所繫。溺女輕賤。豈生理之必無。鬼神攝魂奪魄。罪罰血湖池中。陰司查隱察微。刑必刀山獄內。償還彼命。或罰變畜變禽。報在來生。豈差半絲半點。踐踏人身。實悖上天之德。殤亡已息。大傷坤道之仁。如此狠性蛇心。豈能再為人類。奸夫惡婦。勢必永無人倫。世上打胎溺女者。急急早遵

吾文

初三夕

土神語 吾土地是也 少刻呂帝降

享佑帝君詩

積金孰若積陰功。德大能昌後嗣隆。諂媚錢神供僕役。陷沈利藪困荆叢。循環往復皆天定。何苦勞勞逆化工。

大秤小斗貪殘惡報文

夫斗秤何為乎。明出入之有定。權輕重之無欺。以使不平者歸於平。不公者歸於公。此天地人心所為合而順。行商作賈所為均而勻也。無如人心奸巧。奸巧則大小分。而斗秤用術。世多貪殘。貪殘則輕重別。而出入不公。是故收藏五穀。斗必大其三分。發賣百物。秤必輕其數兩。刻貧苦之窮民。暗逞手法。行奸詐於貿易。概用機謀。增減精微。別乎一合一勺。稱權巧妙。行乎一兩一觔。此其圖利較甚微。而奸心則可誅。其謀財為甚輕。而惡行則不赦。欲以此而致富。况未必果富。即使果富。天豈容汝富乎。慘遭天譴。所必然也。

况乎冥府註籍。斗秤之大小分明。孽鏡昭然。出入之輕重有定。創心烙膚。刑罰之累累何逃。碎體斷身。地獄之重重安免。陽世家敗人亡。陰司長拘不恕。斗乎秤乎。大乎小乎。輕耶重耶。出耶入耶。此時懊悔無及矣。

初四夕

土神語 吾乃土地是也 候一刻呂帝降

孚佑帝君詩

行程直判兩條河。功亦多兮罪亦多。纔念劬勞心便

善。偶貪色界事。皆魔閻浮首重。惟淫律。仙籍常頌孝子科。今古興亡惟在此。盪開孽障保天和。

飛天魔王詩話

魔光到處鬼神愁。疊疊腥風似水流。革俗惟思先革面。回天祇有早回頭。心香縹緲開仙界。瑞氣飛騰結玉樓。此際春波平蕩蕩。休停蘭槳快行舟。

武帝命吾來此。滌掃鸞堂。

藍火仙詩

清風吹動玉爐香。惹得羣仙下天堂。洗心滌慮常如

是何愁福祿不綿長。

張大仙詩詞

乾坤雨露養桑麻。滾滾陰陽亦渡槎。中有昆崙校日月。外無江海蔽煙霞。蛾眉縐破蟬路象。髻撐開峽蝶花。此是老仙談道話。渾元一氣結丹砂。

老仙一無文。二無歌。無聊降壇把話說。教個方兒享快樂。享快樂。酒色財氣要拋卻。要拋卻。五倫之中立定脚。立定脚。跳出紅塵無邊樂。無邊樂。這是人間第一著。第一著。打掃心地聽仙樂。聽仙樂。一

且豁然成正覺。成正覺。瑤池會上詩酒樂。詩酒樂。真正無聊好快活。這纔是為善的下落。這纔是為善的下落。

土神語 任生爾須記著。此壇停止兩夕。亦宜焚香。不可冷落。此囑。

初七夕

土神語 吾乃鎮壇土地報知 呂帝降

孚佑帝君詩

祥雪紫霧下遙空。海島蓬萊一刻功。淨掃壇臺增錦

繡重新瓦屋掛玲瓏。瑞氣紛騰香靄靄。吉祥開放色
溶溶。諸生敬謹誠心候。待到佳辰有好風。
孚佑帝君歌

呵呵笑呵呵笑。聽吾說神仙妙。神仙妙。世人誰
知道。老仙仔細說根苗。紅塵浪滔滔。愚夫失足浪蕩
漂。因此神仙漸稀少。呀呀似此等。何足教呵呵。壇前
瑞氣繞千條。香煙縹緲。清清雅雅。不琢不雕。修得真
面目。悠悠遠塵囂。老仙莫爾曹。老仙諭爾曹。諭爾曹。
為善好。神仙無別道。祇此一著高。功圓行滿渡金橋。

渡金橋。樂蓬島。有時酒飲三星。俄而圍棋五老。悶來
呵呵笑。興至散雲霄。唱曲短歌。吹品洞簫。落在清涼
地。去把知音找。知音找。同結善果。赴蟠桃。諸生須努
力。白雲峰上吾來邀。做到盡頭地。爾等方知曉。神仙
快樂。方有如此了了。神仙快樂。方有如此了了。

初八夕

土神語 酒樽之內見神仙。不是神仙亦枉然。人逢
此會難乎會。諭爾諸生休失緣。少時三聖帝降。
須虔誠伺候。

武帝部下四將軍聯詩

轟轟烈烈一丈夫。前部周保障荆襄輔皇圖。後部關
識得三分惟漢鼎。左部廖千秋猶戀舊蜀都。右部王

武帝臨

武帝詩

處世功名審定多。桃花紅遍漢山河。蜀都縱是偏安
業。史冊還將正統歌。義膽忠肝非激烈。仙心佛手正
婆娑。而今享祀通寰宇。默運蒼穹普太和。

桂宮四仙聯詩

桂宮掌簿一金仙。天聾星 司錄司名輔幹旋。地啞星

求道人須先孝弟。斗口魁 掄才我祇判忠奸。金甲仙

文帝臨

文帝詩

陰隲林中拔其尤。宏功厚德自光流。考較人才呈帝
境。甄陶善士薦皇州。申明功過重相舌。晉諭諸生進
厥修。

關將軍諭

吾奉聖父及文帝之命。諭爾生等知之。
此書去歲未全。生等心存善念。全成此事。亦有莫

大之功於世道也。但宜始終劃一。不可中途有失。今所補降者。宜隨時更正。以便付之剞劂。庶不枉費聖父及二帝之苦心也。後聖父同文帝再臨。亦各補降一篇。以全爾等之善緣也。此諭。

金甲仙訓陶生之子 吾奉帝命。諭爾知悉。爾乃童穉之年。幸此時天真未壞。尚有可取。但嗜欲亦將漸開。此時尤宜防護。處家庭之內。須遵父母之教。不可違傲。孟子云。故人樂有賢父兄也。若處於外。宜素樸老成。遇老者敬之。賢者師之。益者交之。損

者遠之。若與無益之友交遊。則自喪其品行。是明明一塊白璧。被其污壞。深可惜矣。懍之慎之。

諸生送駕返宮 候三刻呂帝降

孚佑帝君語 呵呵酌酒。時纔二帝返宮。言及生等為事。頗有可取。心尚喜悅。吾之心亦安矣。明夕宜
戊正開壇去。

初九夕

土神語 鎮壇土地報 南板仙翁降

南極老仙詩

蟠桃一果。屈三千。甲子幾更。那計年。蓬島曾經朝暮。醉星垣。今古任我眠。曉來閒看東溟日。醉後長呼北極天。祇為凡民多積孽。惹動蓬萊眾金仙。

斗口魁星奉文帝命降惜字文

今夫作字傳經。洩盡乾坤之奧。文明畫卦。闡厥造化之基。此倉聖所以易結繩。而為書契。伏羲所以演河圖。而開天道也。作字之原。其由此乎。夫隻字遺書。皆屬聖賢名諱。殘篇斷簡。無非經典流傳。必也作書如對聖賢。點畫胥昭誠敬。下筆若有神鑒。句語宜戒輕

浮。勿妄寫窗屏。半點惜若金玉。勿濫書門壁。一筆重若珍珠。聞闡之地。勿容經史堆藏。污穢之區。慎勿詞章濫貼。人若遵此。科甲綿之。禍患遠矣。無如勸世之言。不止千萬。奉行之事。何有分毫。庸師批字。改文風來。而吹書滿地。惜何有也。惡吏抄呈錄案。日久則腐。卷盈箱。惜安在哉。縱婦女而剪裁。責及家長。慣子弟而踐踏。罪在師親。編撰淫書。玷辱聖賢字跡。鈔傳穢事。揚播他人惡行。或攜卷入廁。而觸怒鬼神。或廢字糊窗。而任意輕賤。或包裹財物。而置之身旁。或鐫刻

器皿。而擲於地下。或刺繡詩文。以供玩賞。或挑織仙佛。而作戲頑。不思半點半畫。皆屬三教真跡。一書一帖。均係列聖精微。天上地下。以之感通。象數陰陽。以之闡釋。農工商賈。無字則何以營生。諸子百家。無字則何以處世。何其任意疏慢。獲罪乃躬。良可悼也。須知一世奉行。天賜狀元宰相。頃刻褻穢。罰及瞽子庸夫。與其毫不經心。無端輕賤。削祿於以削因。何如諸般致敬。而誠心愛惜。錫福加以錫齡。誥誥諳諳。莫爾遵守。提撕媿媿。慎其奉行。

孚佑帝君讚語 此文可謂言言金玉。字字精微。但世人十中有二三能遵守者。亦不枉費吾輩之奔勞也。予日望之。

初十夕

土神詩 鬼走烏飛西復東。古往今來總是空。榮華富貴如春夢。義膽忠肝萬世功。少刻桓侯降

桓侯部下各將軍報 吾乃嚴 張 王 馬

聖駕至

張桓侯諭

文川回生

卷三

七

積善之家。必有餘慶。行諸惡事。逆天者亡。普諭大眾。敦盡倫常。改之為貴。無病膏肓。遵行不怠。錫爾禎祥。

明瞞暗騙使奸用巧報應文

蓋惟人為萬物之靈。居三才之位。而尊莫尊於為人。貴莫貴於為人。而要其所以為尊貴者。又莫如此心。蓋心可以明禮義。知善惡。曉禍福。人能時時守之。則聖賢此心也。仙佛此心也。神靈亦此心也。奈何以尊貴之物。施之明瞞。施之暗騙。施之於使奸用巧。如此則鬼蜮此心也。地獄此心也。禽獸亦此心也。何尊貴

之有哉。雖然。特壞於明瞞暗騙。使奸用巧者。大抵奸巧瞞騙之行。皆起於貪利。起於逞惡。人若懷此心。則殺人害命之事。無所不為。是皆奸巧者。鬼蜮也。明瞞者。地獄也。暗騙者。禽獸也。始而壞之。終而成之。嗟夫。敲膚吸髓。籌算及於秋毫。陽奉陰違。機謀密於毛髮。當前則唯諾面從。肫誠不二。暗背則錙銖較盡。狡獪無端。以致陷其術者。深含莫白之冤。受其害者。難言失手之事。身家零落。無不切齒而痛心。家業空亡。惟有呼天而籲地。含怨終身。哭訴閻王之殿。冤情莫曰。

端候鐵案之前。惡徒罪滿數終。怎免陰曹對案。到此刑定罪決。空悔陽世謀財。斯時也。猶明瞞乎。猶暗騙乎。猶使奸用巧乎。悔乎哉。斯身也。陽世招愆。陰司受譴。迷乎哉。此心也。當年機詐。今日酸寒。觀冥誅之森嚴。實屬可畏。勉詭譎之惡類。急讀吾文。

吾奉兄王之命。補降此文。生等增刊書內。異日當有吉祥之報。吾賜爾等酒一杯。各宜飲之。吾去。孚佑帝君語。呵呵吾好喜。哈哈吾好笑。諸生陰功做得妙。路遇張桓侯。哈哈對我笑。妙妙妙。吾今來

壇將喜報。酌酒酌酒。此壇吾為其主。列神列聖。皆吾邀來。祇願均有喜色。吾亦喜矣。爾等不能盡知吾之心事。但願世人存好心。行好事。則吾輩心願足矣。吾去。

十一夕

土神語 土地報知亥正關將軍到。

關將軍諭

甚哉世人。之為惡不悛也。聰明之士。薄因果而以為渺茫。庸愚之夫。昧善惡而罔識遷改。求其天倫不愧。

行事無虧者。實不異披沙揀金之難。嗚呼。世道如此。尚何望乎。尤可恨者。世之愚夫。不明大道。常懷怨尤。故或見有為善而未獲福者。輒曰上天施報不公。或見有為惡而免禍者。輒曰造福之基河舛。豈知報應無私。幽冥原無二理。自未即因果之理而細思之也。蓋為善而無福者。其祖必有餘孽。孽盡則福必至矣。為惡而免禍者。其祖必有餘德。德盡則禍必臨矣。況乎彼之所謂為善者。則未必皆真。彼之所謂為惡者。則未必皆稔。苟不能深察其虛實。鑒別於隱微。致使

有志為善者。誤其說。則轉灰其心。平居為惡者。信其言。且益肆其孽。則凡聖賢之銘訓。仙佛之格言。皆被斯人一語說壞。可勝悼哉。是可殺也。今呂帝同文帝及聖父。邀約真宰。降此回生一書。洩破元宗。闡明大道。而理則孔孟之理。言則金石之言。道則中庸之道。不示人以難。赴悉引入。於善途。斯誠暮鼓晨鐘。發聾啟瞶之術也。世人見此書。而猶不知改悔者。非人也。見此書。而猶不知感化者。吾亦無可如何也。人其勿負吾聖父之苦心也哉。

孚佑帝君語。呵呵酌酒酌酒。明夕亥初開壇。將前
所降各文校閱。

土神詩。蓬萊送駕返壇庭。滿堂瑞氣達通明。帝德
如春榮草。木常將法語降凡塵。

十二夕

土神詩話。黃金雖為貴。憂道勿憂貧。安樂真清福。
園蔬勝美珍。少刻呂帝降。

孚佑帝君詩

幾百春秋容易過。常常塵世勸人多。今古一時吟不

盡更絃且唱弟兄歌。

勉兄弟歌

弟的弟兄的兄。兄愛弟來弟要恭。兄不愛弟不恭。手
足參商各西東。家庭間時鬪氣不念同胞親生誼。你
好勝我爭強。那顧堂上暗悲傷。若如此。非弟兄。少有
吉來多有凶。勸世人愛兄弟。堂前紫荆須念記。切勿
可聽婦言。致使骨肉不相連。或兄貧或弟富。須要時
刻常相顧。兄若貴弟若賤。莫因貧窮將他厭。弟兄好
禍事少。外人知道不相擾。弟兄和家道昌。古言和氣

能致祥。君不見好張公。百忍堂中見淳風。又不見漢
許武。弟兄同被傳千古。都祇為肯忍讓。流芳百世人
欽仰。為甚麼。世間人。不念同根喪天倫。或爭財。與賭
氣。自相踐踏傷大義。甚至有告官詞。子孫世代永相
離。若如此。非弟兄罪惡無邊怒蒼穹。或天誅或地滅。
報應分明無少越。勸世人。須改悔。弟兄和睦斯為美。
兄愛弟。弟敬兄。滿庭瑞氣樂融融。吁嗟乎。滿庭瑞氣
樂融融。一曲引薰風。

將前稿呈。吾閱之

二十一夕

土神語 土地報知 候三刻。呂帝。今武帝降
孚佑帝君語 昨閱前稿。訛字甚多。宜細心更正。不
可遲延。

武帝部下各將軍報 吾乃周 關 廖 王

武帝至

武帝諭

吾生於漢末。不逢盛世。素讀春秋。頗明理義。嘗觀忠
臣孝子之庸行。吾嘗為之感歎。得遇先王三弟。桃園

文刊回生

卷三

三

終義立扶漢室。時值黃巾猖狂。張角作亂。天下崩裂。吾兄弟三人。誓扶漢業。掃清宇內。人民得以稍安。此吾之在草莽。而報國恩也。厥後威振華夏。坐鎮荆襄。吾惟以伐魏吞吳。為朝廷莫大之安。為人臣敦大節。為兄弟篤信義。披肝瀝膽。費盡苦心。詎意炎漢已終。余心莫遂。惟憑此浩氣丹心。上以還太蒼。下以昭萬古。余雖為神。而心終未已也。今位居金闕左相。總攝三天門下事。屢受朝廷之恩。享以太牢。頒以舞樂。予以徽號。吾受國家之恩。亦孔厚矣。乃自庚子歲。因民心不善。上帝降災。時吾詣通明。與文帝呂帝長跪哀求。至七日七夜。上帝准旨。命吾同二帝雲遊天下。以化世間之人。吾思人心不正。世道何日得安。因復同二帝跪奏通明。祈開飛鸞顯化一法。人神相會。上下相通。功則賞之。過則罰之。報應則顯然而易見。善惡則確然而可明。吾之意。以為如此設法。則無不轉之人。心無不靖之世風。無不回之天數。豈知吾領旨三十餘年。而人心若是。世風若是。即有能改悔者。百什聞。僅止一二。餘皆冥頑如故。昏憤依然。而人心若是之。

難轉也。世風若是之難靖也。天道其從何而回。吾回
憶掃除黃巾之時。張角作亂。彼恃以符張法水。妖術
行兵。而吾正氣一衝。妖邪皆散。今世之人。得吾朝朝
勸諭。常常降臨。猶不能轉移毫末。遵行分釐。由此觀
之。今世之人。更甚於符張法水也。人心難轉。世風莫
靖。天數何回。孔子曰。道之不行也。吾未如之何也已
矣。悲夫。

示爾生等知之。天下乩壇甚多。所降陰陽文。豈止
千萬。皆莫若此回生一書。顯而易見。易聞。生等有

心增刊。宜努力早成。若能勸化一人回心者。吾即
與爾計上百功。若此書行世。能挽轉世人。異日自
有福報。

周將軍語 送駕返宮。吾等皆去

二十五夕

土神詩話 吉祥花映彩雲開。香惹羣真下玉臺。如
此栽培勤種植。時鮮花木似蓬萊。 候二刻呂帝
同文帝降

桂宮列仙報 吾乃四相至 金闕護道王天君至

文帝臨

文帝詩

九天開化證文昌。權斗精衡五尺量。輕薄難期名註紫。純修自許甲登黃。儒林鎖鑰權升降。祿府科名校否臧。誥誥諄諄惟汝聽。休逢大道復徬徨。

文帝諭

吾道德圓通。掌三十三天之仙籍。陰陽主宰。管七十二獄之幽都。巡察人間善惡。賞罰不爽於分毫。紀錄世道過功。權衡皆歸於至當。陰陽文一篇。括盡生孔

之要旨。救劫章數語。說透宇宙之病根。今復飛鸞開化。挽既倒之狂瀾。降筆垂書。開斯人之覺路。亦謂世運波靡之際。舍此斷難為功。人心陷溺之秋。無斯亦難為力。此吾救已往望將來之意。所由來也。無如師儒之道不興。人民之真大昧。以致陷溺日深。愈趨愈下。皇天震怒。災害頻臨。武帝本憂世憂民之心。存悲天憫人之志。故邀吾與呂帝。跪奏通明。祈開飛鸞。一法。闡明聖教。丕振儒風。宣示王章。重整綱紀。令讀書士子。咸知正己化人。草莽愚夫。共識愛親敬長。一切

機械變詐之習。由此潛消。光明正直之行。因而復見。然後人心正。而風俗淳。風俗淳。而世道昌。世道昌。而天災弭矣。武帝為此一法。不為乾坤維正氣。天地保精醇。國家勦盛治。斯人復性情。歸於盡善盡美也哉。竊怪世之偽儒末士。竟有疑之議之阻之毀之者。其心果何居也。大抵邪正不並域。義利不同居。人若言此法之不善。則心所注者邪。身所貪者利。舉動犯乎土章。行止趨於歧路。考其事則利己損人。聽其言則談閨道閫。以故聞聖訓。則心赧然。聆善言。則心又翻。

然而談敵紛紛矣。嗚呼。士人若此。世道尚何言哉。吾今開方便之路。示遷改之門。人能洗心惕息。革面皇皇。即消除已往之愆。添錫將來之福。則民安物阜。俗厚風淳。聖人之教。復振矣。爾世人勿視為具文。急急警省。勉之。懍之。

王天君語 送駕 少一刻呂帝再臨

孚佑帝君詩話

鶴飛乘輿下鸞臺。天然一個小蓬萊。不是諸生勤培植。過時花草豈重開。

時纔同文帝往崇甯宮而來。武帝命吾告知爾等。速將此稿辦妥付刊。早成一日。吾等之心。早安一日矣。此示。

十月初一夕

土神語 鎮壇土地報 少一刻温天君降

金闕元帥温天君警世文

吾奉上帝勅旨。下凡收取惡人。天羅地網。下定。彙齊惡類紛紛。一曰不忠不孝。二曰弟兄不仁。三曰邪淫奸盜。四曰勢惡凶橫。五曰毀謗聖訓。六曰私姦亂倫。

七曰明瞞暗騙。八曰大秤小升。九曰害眾肥己。十曰為善不終。如此種種惡類。難逃部下瘟神。解往酆都地獄。萬劫不准翻身。更有作惡婦女。居身盡昧坤倫。在家忤逆成性。出嫁公婆不尊。丈夫不以為主。妯娌吵鬧時聞。可惡艷妝廢字。觸怒天地鬼神。穀米任意拋散。污穢司命竈神。如此種種惡婦。吾神怒氣生嗔。吩咐瘟兵瘟將。一齊鎖鎖陰魂。押送血湖地獄。永世沒有生門。吾神職司瘟部。見惡如見仇人。種種惡類。收盡。祇留孝子忠臣。世人若怕瘟疫。急急改過自新。

莫到臨時纔悔。瘟鬼早已上門。做齋打醮何益。仙丹妙藥不靈。那時哭聲震地。只悔改過未曾。若到那時懊悔。不如早遵法文。吾言句句是實。並非驚嚇於人。世人若依吾訓。共樂天地長春。普諭大眾人等。急早謹佩吾文。

吾奉五旨及三帝之命。來降此文。生等亦宜增刊書內。俾世之愚夫愚婦觀之。令其恐懼改悔也。

少刻呂帝降吾去。

孚佑帝君詩

鴈聲啼徹白雲鄉。斗轉星移秋夜涼。紅葉滿林花盡落。菊殘猶傲曙天霜。
愛酒停詩玩菊花。老翁詩酒興彌賒。有酒無詩空醉酒。拚詩拚酒訪名家。

訓士文

夫飛鸞開化一事。為朝廷培國脉。補王化之不及。誠非異端可比。往往有興於數年而敗於崇朝者。何也。為理事人之見識不充。心志不固。一聞偽事。毀議即生。因循之念。退縮之心。將從前所積功善。一旦付之

東流而不惜。嗚呼。吾屢見此情。深為此人悼嘆。而乃毀議之人。強辭奪理。紊亂人心。邪說辯言。阻塞善道。此其罪天赦之乎。况又誹謗王章。大千國憲。定為王法所不容。民之無良。斯人之謂也。夫以熙朝頒行聖諭十六條。言言金玉。字字珍珠。發典謨訓誥之精詳。明仁義禮智之大道。誠化民成俗之良圖也。而乃以此事為可謗而不可行。吾不知也。吾不信也。當日聖祖立法。設教官生員。責承宣講化愚民而維風俗。此意何等鄭重。數十年來。爾士人不能承其責。以故盛

典終廢。木鐸久懸。致使人心無教化。而變詐生。風俗無教化。則澆漓熾。是誰之過。與。吾知爾士人其無辭矣。而况今世之事。運際波靡。時逢未俗。變詐澆漓。往往如是。驕奢淫佚。種種皆然。而猶不急急以行教化乎。以故二聖不忍。羣真惻然。因奉帝勅。以飛鸞開他上輔國家。垂書降筆。下佑羣黎。聖也。賢也。仙也。佛也。一道也。皆同此教化也。人而議之毀之者。夫何為也。夫何為也。聖人之賊也。

吾降此文。因雲遊天下數百年。見此事多有不能

成者特將此言告知爾等。吾輩所降之文並非楊墨之言。邪淫之語。又何懼哉。祇望爾等全成此書。常遵吾訓。吾輩自有增補。

初七夕

土神詩話 藤作橋梁跨海濱。不知誰是過橋人。吉凶禍福何須問。自種福田自己耕。少刻呂帝降。

孚佑帝君歌

忙忙忙。下天堂。無憂無慮任翱翔。忽見江心裏。浪也急來風也狂。迷津無際。多少沈溺在中央。身墮苦海

不勝淒涼。我今作一招招舟子。泛隻慈航。水中人。水中人。各拿主張。同登彼岸勿徬徨。過了此船難覓渡。何日纔得見津梁。我將雲帆拽滿。同吾早赴仙鄉。去且忙。去且忙。

此稿吾後命雲遊子再閱。

孚佑帝君詩

菊殘梅放小春天。善氣祥光繞壇前。暢飲惜無陶靖節。吟詩缺少李青蓮。詩逢與會難于雅。話到神仙半善言。事不週全心不了。暫歸蓬島且安眠。

十四夕

土神語 吾乃土地是也 少一刻雲遊大仙降

雲遊仙詩話

雲遊天下顯神通。法文施徧五湖中。何日纔停乩筆語。書成救劫獻蒼穹。

吾觀此稿。其中有未貫通者。候再調置方可。

十五夕

土神語 吾奉呂帝及地官水官之命。因爾等有意將此地孤魂。超往生方。命吾將眾等籍貫查明註

冊送呈本邑城隍轉申東嶽大帝處。其生平善多惡少者。以便投生陽世。其惡多善少者。命無常仙子派差解交各本鄉城隍處發落。若此後每逢朔望之先夕。備往生經錢一二百張焚之。亦是爾等功德。此示。 呂帝降

孚佑帝君詩

塞外金風急。蕭條秋夜闌。庭前梅影瘦。江上鴈聲寒。雨洗山逾淨。霜嚴菊盡殘。小陽春氣動。修竹報平安。

十八夕

土神語 吾土地是也 少刻雲遊仙降

雲遊仙詩話

慧眼遙觀界大千。凡民擾擾昧心田。身翻酒市淫情熾。睡罷名場利網眠。萬孽隨身歸地府。一棺長蓋入黃泉。人世紛紛難遂欲。地獄幽幽別樣天。

夫神聰明正直之謂也。能知人之誠偽。記人之善惡。司人之禍福。明人之吉凶。報應毫釐不爽。功過微末攸分。爾等此後宜遵聖訓而行。能不失足。自得祿祥。

十九夕

土神詩話 蓬萊遠隔萬重山。海水迷途豈等閒。洪馬輕舟行不到。問津祇在寸心間。候半時江右總城隍降

江右總城隍邵詩

育本栽枝自小將。乾坤事業在門牆。指差歧路千山遠。重染病根一世狂。敦篤性情真本領。訓詞忠孝大文章。聖賢教學遺規在。日月經天萬道光。

戒為官勿聽書吏言文

廉明守正。頌冰鑑於閭閻。公斷無私。歌河清於億兆。
為父母而不愧。兩歧與歌。稱循吏而無阿。五袴致祝。
斯其善治之政。慈愛之恩。所為稱道。弗衰者也。奈何。
有聽書吏言者。既無精鑑。以為官。復為偏聽。而忝職。
以故。小民受其殘酷。端由曲語而生。國法任其轉移。
祇緣私論而發。况彼百端巧言。皆由受賄所至。多方
審擇。已挾陷上而來。受其術者。必致是非倒置。中其
奸者。更難曲直分明。誣良民為莠民。煩興訟獄。陷清
吏為酷吏。怨起羣黎。書吏之壞政。其弊若此。為官之

防維。能不遠乎。必精其識於未至之先。果其志於當
事之境。勿粗心惑志。當審慎於多方。勿輕信任人。宜
宵小之杜絕。念切民依。清鑑即是神鑑。篤其卓識。無
私自然遠私。由是而聽政。則明察可以除奸頑。於是
而為官。則智勇可以立民命。下而食其德。上而薦其
賢。斯職道也。世之為官者。用其法諸。

吾生前稍盡人道。歿後即蒙城隍申奏上帝。命我
為江南等處城隍。至今歲上元。復蒙武帝申奏。命
吾為江右總城隍。但爾為官。凡署內公事。無論大

少。食多之祿。自當盡心報効。亦可頌揚於閭里。吾
之心亦不愧也。予厚望之。時纔所降之文。候呂帝
校正。亦可增刊書內。吾此時不能久留。候成功焚
書之日。再來一會。少刻雲遊仙降。吾去。

雲遊仙詩話

莫道天幽渺。罔法汝所為。寸心方動處。大造已先窺。
况有三尸奏。焉能一事欺。回心多積德。福祿自相隨。
吾奉三帝君之命。邀請江右總城隍來此。所降之
文。亦可作勸世之為官者之格言也。

十一月十二夕 以後在星沙降

土神語 吾乃本境土地是也。吾雖新任。久已知之。
候二刻。呂帝降。

孚佑帝君詠山居詩

欲絕塵緣山居好。惟有山居免煩惱。松風蘿月皆化
機。開軒相對娛禽鳥。不愛華堂避空谷。常有白雲繞
茆屋。門前又無車馬喧。清閒自在無量福。占晴課雨
歲歲耘。宿伴妻兒且相親。數畝良思心自足。無求於
世長精神。夜深勤紡晝彈綿。幾樹桑麻種庭前。榮身

抄去回生 卷三
雖少輕裘服。布衣著得也禦寒。園蔬野菽勝嘉珍。淡
薄明志養性真。一碗薑鹽茶湯飯。便是羲皇以上人。
乾坤上下無今古。幽林彷彿神仙府。日高三丈我猶
眠。琴棋書畫不離手。

生等須著意將此稿彙清。候十七夕吾來閱之。此
囑。

十七夕

土神語 吾乃本境土地報知 少刻八仙同降

李大仙詩

青天踏破御仙風。背負葫蘆卧太空。笑把江河為硯
水。將詩題與白雲中。

張大仙詩

蓬萊境上半清風。皓月當頭色色空。現出祥雲千萬
朵。仙驪步步踏蹄中。

鍾離大仙詩

羽扇輕搖手上風。雲端穩坐岳凌空。蓬萊原是蓬萊
客。指點元機在箇中。

曹大仙詩

文刊回生

卷三

四

放開長袖惹春風。樵鼓輕敲鬧半空。綠水青山如畫裏。舉頭紅日掛天中。

韓大仙詩

輕吹玉笛橫生風。響過行雲走碧空。譜出霓裳仙子曲。天機洩與管絃中。

藍大仙詩

員嶠海島駕長風。魚躍鳶飛性地空。懶向紅塵去玩賞。仙花採得貯籃中。

何大仙詩

荷葉亭亭不惹風。靈根有種悟心空。塵緣洗淨塵緣盡。千古江山入畫中。

孚佑帝君詩

岳陽樓下浪翻風。水挹金杯酒不空。洞裏煉丹成九轉。飛提寶劍掛雲中。

太極陰陽一箇圈。終南高卧幾千年。金鉛木汞朝真鼎。姤女嬰兒運湧泉。袖裏乾坤爐裏藥。壺中日月洞中天。丹成九轉凡胎換。識破此關即是仙。

顛顛倒倒顛顛顛。元裡妙兮妙裏元。暫把葫蘆藏北

斗常將寶劍掛南天。身披八卦乾坤老。手拍重輪日月懸。醉後不知春幾換。聲聲笛奏岳陽邊。

將騰正之稿。呈吾觀之候。此稿二十夕。二帝來壇再閱可也。

二十夕

土神詩 威風凜凜到壇來。萬里浮雲一掃開。惟願太平歌有象。羣黎向善把頭回。少刻呂帝降

孚佑帝君詩

終南一別到岳陽。洞裏吹簫引鳳凰。忽見江心波浪

滾。人人對我問滄浪。我在雲端開口笑。一輪明月天中照。身披黃服四海遊。乾坤千古已通竅。腰橫寶劍奏蒼天。爐中丹煉火初燃。羣真集會蓬萊上。信寄清風望我還。頃刻踏遍千萬里。排成八卦雲端裏。身邊白鶴忽飛來。悟我陰陽太極理。將向紅塵復去遊。又遇老子騎青牛。金雞喚醒三更夢。月出扶桑漾彩毬。美景無邊賴天工。一刻風光迥不同。等待上林春信到。百花生開放滿山紅。

土神報 桂宮及崇甯殿列仙至 文武二帝同臨

武帝諭 吾自漢末迄今歷代開化。輔助皇猷。所降勸世文。豈止億萬。此次吾同文帝呂帝及諸仙諸神。自道光庚子歲。領旨下凡。今已三十二年矣。世之愚夫愚婦。毀吾謗吾者。吾不足責。更有一種讀書士子。而闢吾謗吾者。吾深憾之。實為可惜。但其事假而理實不假。生等有志刊全此書。吾亦不敢告勞。自然補降周備。而爾等切勿告勞。但焚書之期。已定上元。是吾自庚子上元領旨。欲於明正上元繳旨。願生等莫悞吾之佳期。吾則喜矣。此諭。

吾此時同文呂二帝返宮。候一時即有回示。

關將軍奉武帝命降戒洋煙文

帝君曰。今天下惟洋煙之害人也最毒。而人之貪食洋煙者甚多。洋煙造自西洋。流毒中國。害其人民。剝其元氣。其行之妓館也。則以洋煙為花柳之媒。其布滿城市也。則以洋煙為生涯之計。其流傳鄉曲也。則以洋煙為懽娛之資。而有一種貪食洋煙者。咬嚙後輩。說煙可以治氣疾。可以提精神。可以卻風寒。可以療暑濕。並可以款親朋。可以接官宦。可以賄衙門。始

救去回生 卷三
而以煙勸之。繼而以煙就之。終而以煙迷之。教壞幾多子弟。引誘多少人家。而受其術中其奸者。不能而以為能。無癮而故作有癮。燈火一開。滿牀擁隊談笑。鎗管一握。逢人說成知音。上馬者一鋪毡毯。昏迷在榻。次馬者一塊破被。沈酣在牀。下馬者一截草席。側倒在地。不顧品行。甘流卑污。不顧廉恥。幾同乞丐。其食時也。腰弓腿縮。儼如犬卧。其貪癮也。目閉口合。恍若豕眠。一食煙而為官者。已荒其政事矣。一食煙而為士者。已廢其詩書矣。一食煙而為農者。已惰其稼

穡矣。一食煙而為工者。已怠其經營矣。一食煙而為商賈者。已絕其生路矣。且食煙而父子無禮。食煙而兄弟不分。食煙而男女不別。食煙而朋友狎昵。明明一劑毒藥。人偏愛服此毒。明明一條死路。人偏不畏其死。漸而滿面煙光。氣雖未斷。而形已登鬼錄也。漸而徧體瘦弱。命雖未絕。而身已成骷髏也。餓鬼也。畜生也。生前即是榜樣也。刀山也。寒冰也。眼前即是地獄也。有則煙膏。無則煙灰。或下煙於酒中。或將煙作丸引。一刻不應。出淚流涕。一日不食。頭昏眼花。日午

未起竟將晝以作夜。雞鳴未睡。又將夜以作晝。田地售也。而煙不除。屋宇棄也。而煙不除。妻鬻子賣也。而煙不除。即或勢處萬難。發憤欲戒。而癮之深者。不能丟之一旦也。毒之重者。不能解之一時也。况食煙夫婦每多不育也。壽命每多不長也。與其作無主之墳。何如迷津早出也。與其作鴉煙之鬼。何如迷陣不入也。願已食者各早回頭。未食者勿中其毒。無荒正業。保守精神。是則吾之厚望也。夫。是則吾之厚望也。夫。

二十八夕

土神語

吾本方土地是也

大仙降

雲遊仙詩

幾陣仙風送我來。全善堂中霽色開。善溪法雨漣漣洒。泛得慈舟去復回。

孚佑帝君詩詞

酒興賒。詩興濃。跨鶴雲遊海天空。時而終南山上坐。不計曉昏時。而岳陽樓頭睡。假做痴聾。一盤棋。一張弓。八卦排定掌握中。觀星斗。個個昭融。神仙妙訣誰人識。醉不醒。夢不醒。睡到東方日已紅。試望紅塵裡。

如醉如夢舉世同。勸人靜守主人翁。坐聽古寺五更鐘。

詩因酒醉眼無花。酒興賒時詩興賒。酒後題詩詩後酒。請看詩酒是誰家。

飛天魔王話。奉三帝命。前來掃蕩爾等虔誠伺候。崇甯殿各將軍報。吾乃周闕廖王。

聖帝駕臨

武帝詩

生平志節在春秋。義結三人輔漢劉。一點忠心猶未

了。於今遺憾失荊州。

周將軍話 送駕返宮

雲遊仙詩

空山黯淡景淒涼。鼓盪天機一陽。祇道青松多晚節。誰知雪裏有梅香。

孚佑帝君詩

半夜無雲月落天。燈光未剔息猶然。老翁睡起矇矓眼。參透陰陽太極圈。

淡然仙詠化錢爐詩

雲煙五色鬪青蚨。萬貫冥財入火無。指點貪婪人省悟。兒孫免出化錢爐。

十二月初一夕

土神語 昏昏花花。幾日得閒暇。猛然聽聞。要吾迎鸞接駕。汗淋淋。如雨下。這也是我的功行不大。這也是我的功行不大。

雲遊仙詠冬雪詞

滿地散天花。空中鹽撒上窗紗。大地堆積光如玉。呀呀一片玲瓏分外華。枯樹吐奇葩。茅檐疑是白雲渡。

浪湧千層冰似鏡。嗟嗟路上行人各思家。

孚佑帝君話 吾昨與二帝商議繳旨。吾等自庚子以至今日。不知費盡多少心血。日日夜夜。為人奔忙。而人氏依然如故者多。吾亦莫可如何。生等速將此書辦成。至上元之日。以便上奏可也。

本宅土神語 吾是昔年一老翁。於今職在五行中。爾欲問我為何事。聰明正直秉大公。

普陀山列仙報 吾乃四大金剛到 韋馱到

冰霜女到 善哉童子到 大士駕臨

觀音如來大士詩

慈悲一念徧包羅。奈爾閨門詬誶何。一樣恩情看子女。幾人孝養重公婆。雖刀計較天親薄。言語參商骨肉多。不必持齋兼誦咒。枕邊但勿用刁唆。

吾因三帝邀吾來壇。言生等求降惡姑薄媳文。但此文有不可降之者。其中大有原因。自古至今。陰騭文豈止億萬。而生等所目見耳聞者亦不少。何善書內載有此文。爾等實有此意。吾豈不樂而從之。但此文吾亦不敢私降。候吾親奏玉帝王母。及

問九天衛房聖母方可。

勸婦女文

眾女人。聽吾訓言。守婦道。舉止安閒。事翁姑。棗栗心虔。相夫子。內助宜賢。教兒女。居心莫偏。待媳婦。不可磨嫌。同妯娌。毋起爭端。用奴婢。心胸宜寬。處鄰里。和氣一團。守身子。規矩森嚴。尚樸實。勿愛吃穿。親戚家中。戒卻遊觀。娘家富。莫怨夫寒。丈夫醜。前世姻緣。共患難。同受苦艱。遵吾訓。清靜幽閒。許賜爾。子貴孫賢。

到老來。永高長年。史冊上。永把名傳。

十二夕

土神語 吾是本境一土神。奉命來壇報事。因堂上諸生須久候。一時三刻。呂帝臨。

雲遊仙詩

春山如畫又如笑。滿目奇花窗外照。遊子尋芳忘卻歸。幾番心思在年少。夏日炎威甚逼人。蓮塘水湧葉亭亭。良朋邀去納涼早。笑看花叢一色新。秋時爽氣正橫空。忽見天腰掛彩虹。疑是仙橋懸一渡。連雲帶

雨現青紅。冬景淒涼風舞雪。疎林颯颯亂飄葉。行人旅館哭途窮。能做冰霜松與柏。我將四景佩身邊。洞裏逍遙去煉丹。暑往寒來無止境。人心日日有週天。我將四景悟根源。參透元機即是仙。消長盈虛皆定理。須知生死有循環。拋棄紅塵歸洞府。閒來醉飲長生酒。時而跨鶴望山河。誰識貧翁是老祖。久坐蒲團忘露膝。修行學道先天一。蓬萊海島任悠游。常在雲中吹玉笛。

孚佑帝君語

將稿呈吾閱之

十五夕

土神詩 星光黯淡凍雲鋪。一抹煙痕似畫圖。風送

孤山梅放萼。長隄雪後柳條枯。

孚佑帝君詩

柳絮漫天舞灞橋。朔風吹雪下雲霄。征夫塞外橫銀
矢。老樹山中掛玉條。暖閣醉眠佳子弟。寒林凍冽苦
漁樵。青年漫道冰霜冷。白了人頭不易消。

道統淵源守法心。工夫無際正幽陰。青年懶把詩書
讀。白首空悲事不成。要與聖賢爭學問。莫求世外博

功名。果然奮得蕉窗志。豈必今人遜古人。

武帝部下四將軍報 吾乃周 關 廖 王

聖帝駕臨

武帝詩

漢室羣奸一掃空。於今千載有孤忠。邪魔普蕩尊侯
爵。正氣全歸受帝封。手執青龍刀偃月。身騎赤兔馬
追風。虎牢關上留陳迹。萬古江山在眼中。
周將軍語 送聖返宮。少時吾來批示。

詠月詞

團團月。正當頭。欄前懸玉鏡。浪裏滾金毬。一片清光射斗牛。哎。惹動我乾坤千古愁。桂枝年年在。兔子夜夜遊。一圓一缺。天一週。盈虛消長。細從箇裏悟根由。

十六夕

土神語 酉正觀音如來大士降

觀音大士詩

慈悲度世號觀音。救苦消災我佛心。鸚鵡聲聲傳法磬。楊枝拂拂灑甘霖。上皇愛物彌天際。中土安居大福林。地擁金蓮排帝座。瓊漿玉液獻宸欽。

惡姑薄媳文

且天下斷無有不愛子者。愛子斷無有不為子娶媳者。媳為父母所娶之媳。愛其子即當愛其媳也。愛其媳即正所以愛其子也。以愛子之心愛媳。而媳或及時而嫁之。鼓樂以迎之。一入門。而公婆信之一。于歸而家事委之。此固幸也。乃有女年幼穉。桃夭難賦。或怙恃無人。或家計窘迫。或爹娘育多而難撫。或骨肉遠徙而難隨。不得已。而送入夫家。過門嫻撫。此人生之大不幸也。而為之翁姑者。正宜深加憫恤。勤為教

訓也。吾觀世人。媳之初來也。未嘗不歡喜之。媳之下撫也。未嘗不懃懇之。未幾而居之已熟。漸生惡忌。因鍼黹不工而嫌之焉。因紡績不慣而嫌之焉。因飲食難調而嫌之焉。因容貌醜陋收檢懶惰而嫌之焉。飢則不與食也。寒則不與衣也。病則不與藥也。晝則一刻不暇。眾皆逸而彼獨勞也。夜則三更未睡。眾皆甘而彼獨苦也。一事有失。則棍棒以撻之。一聲未應。則拳足以加之。高聲以哭。則斥其刁也。隱忍而受。又謂其狠也。眼淚未乾。隨時又在呼喚。痛苦未住。他事又

在重使。無故罵其父母。滿口退婚。見面恨如仇人。動云再嫁。今日嫌之。明日嫌之。媳即智而亦至若痴若愚也。此事嫌之。彼事嫌之。媳即能而亦至漸笨漸拙也。迨至愈嫌愈甚。女身難安。或見幾而私逃。或懸梁而自縊。或溺水而亡身。或服毒而隕命。禍起一時。訟興兩家。竟至傾家敗產。害其子而不能再娶者有也。即不然。媳幼而爾既嫌之。媳長即深恨之。媳幼而爾不慈之。媳長而安肯孝之。怨積於心。仇結莫解。一到權移在手。家囊付執。爾飢而爾媳亦不與食也。爾寒

而爾媳亦不與衣也。爾病而爾媳亦不與藥也。斯時年老無能。惟有忍氣吞聲。仰天號哭而已。爾之女亦人之媳也。人嫌爾之女。爾必不容。爾媳亦人之女也。爾嫌人之女。而爾曷不為人計乎。爾為今日之姑。猶是當年之媳也。爾之姑嫌爾。爾必不受。爾之媳即異日之姑也。爾嫌爾之媳。爾曷不為爾媳計乎。吾今為眾慈母。普訓女流。願人知所以繼嗣續者。賴媳承宗祧者。賴媳養生送死者。賴媳不播是非。開子媳不睦之漸。不以嫌磨起世人溺女之心。而為嫻媳者。亦當

安守義命。聽其教訓。翁姑愛我重我者。我固不恃寵而自驕。即翁姑打我罵我者。益當柔氣以順受。斷不敢疔恨。過招天地。斷不敢忤逆。罪惹雷霆。庶家運不敗。世澤流長。上慈下孝。集此日滿室之祥。貴子賢孫。言他年無窮之福也夫。

孚佑帝君詩

雪威風緊凍雲鋪。送歲迎春擁酒爐。欲卜來年光景好。栽培花木辨榮枯。

二十夕

土神報 少刻吕帝降

孚佑帝君詩

時往時來鶴駕忙。雲霞燦爛暮山蒼。蜃樓仙子吹玉
笛。海市嫦娥手執簧。五老歡迎傾竹葉。三星拱候咏
霓裳。祇因末俗難挽轉。何暇移情樂徜徉。

斗口魁星詩話

大極一團誰悟穿。九分黑白暗藏元。九宮不外詩書
語。八卦何殊孔孟傳。解破吉凶春不老。辨明消長景
猶鮮。諸生大展回天力。不亞蓬萊一洞仙。

吾奉文帝命來此代降總旨一篇。刊二卷前

二十一夕

土神報 少刻江右總城隍降

江右總城隍詔詩

門政書差黑腑腸。虎威蓋世亂王章。借公酷助昏官
虐。乘勢苛求枉法贓。扇毒蛇心能覆雨。垂涎狗臉欲
生霜。昧心錢有滔天罪。此輩從來無下場。

吏役假威瞞官害民惡報文

夫法律者朝廷所以懲奸也。自宰官之法壞。而後吏

役假威。吏役假威。而後生民受苦。猛虎之苛。所由來也。碩鼠之嘆。其在是乎。訟獄頻興。差役之狐威可畏。示諭偶發。書吏之虎勢難堪。縱爾清正有司。猶牢籠於奸術。何況草茅民庶。豈脫免於苛條。執公文而網羅。如奉朝廷之密旨。奉官票而提究。儼頒堂陞之詔書。笞杖流徙。任銀錢而為移轉。盜傷刦搶。憑賄賂以為重輕。貧民偶亦控告。無厭誅求。良士或有呈詞。無端勒索。假糧票而掠取小民。利加五斗十斗。借公文而驗檢命案。例原千條萬條。田婦村民。深冤從何而

白。端人正士。凌辱忍而難伸。惡吏狗肺狼心。至死難償罪案。奸書蛇行蠍志。到頭豈無循環。陷民坑官。罪擬通天之大。欺上枉法。禍實無地可容。陽世絕嗣。斷齋受其顯報。陰司抽腸拔舌。請看冥誅。諭爾公門。宜早修德。

崇甯宮各將軍報 吾周 關 廖 王 聖駕臨
武帝詩

彼蒼不欲助我炎。炎盡纔分忠與奸。周室生黍無幾日。漢城有麥億萬年。香焚寶鼎結劉字。花放玉梅傍

桃園一代英雄今猶在。相逢春秋俎豆間。

周將軍語 送駕返宮

李佑帝君詩

小住鸞車月起遲。新腔一曲竹枝詞。寰中可口桃紅酒。海上怡情李白詩。十二樓中家無定。三千世界路何辭。歷年煉就長生藥。難治人間迷與痴。

雲遊仙歌

遊遊遊。遊徧蓬萊島。玩玩玩。玩到古渡頭。邀仙友。細講元妙。談色空空。色漫漫。參求弄金烏。耍一耍玉兔。放

白鶴。喂一喂青牛。煉丹砂。悶時飲美酒。不煩惱。也並不憂愁。那管他。未劫難復舊。那管他。人心似水流。恨童子。他纔莫事做。平白的。催俺下玉樓。既臨凡。也要把世救。願諸生。快駕渡人舟。搖櫓的。休得要袖手。催梢的。齊將後。抬擗協心力。同把醉客渡。攏彼岸。自有好路途。若貪頑。則悞青虛路。若推諉。則把大事丟。船若破。則隨水流。走那時節。失悔在後途。聽吾諭。急早尋路走。聽吾諭。同享太平秋。

壬申正月初四夕

土神語 世人笑我年華子。我笑世人名利擾。看來
祇有我神仙好。神仙好。遊蓬萊。樂海島。爾等休說
我土地小。

宏教真君話 吾時纔與呂帝及諸仙友。赴宴瑤池。
忽有童子報道。生等設壇。吾身奉玉旨。查察人間。
呂帝故命吾先來報知。候一時呂帝降。

淡然仙詩

古洞煙霞繞翠欄。柴門雖小歲月寬。壺中未斷長生
酒。爐內常燒不老丹。明月清風同歌舞。三生五老共

盤桓。若非葉落山爭出。面目之真難以看。

孚佑帝君詩話

宴罷歸來樂忘憂。獨駕小艇整魚鈎。香餌自香魚不
餌。任我清閒任我遊。

春來四海被春風。絕大經綸屬我躬。靈府補全天地
陷。草茅裕備帝王功。幾多相國無遺愛。惟有福田可
利窮。心裏但存方便念。何須雷雨奮長空。

此書自始至今。已經三載。尚未告成。但此書既成
有天地。即有此書。因念生等數載奔勞。故命生等

或序或跋或引各作一篇刊入善書內以表生等誠心可遵吾之意否。

雲遊仙語 其此書宜錄刊聖諭於前又有藥方可錄者錄之外有各古方可錄者亦宜錄之此亦有功於世道也。

初六夕 武帝降

土神報 崇甯宮列將軍報 吾周 關 廖 王 聖駕臨

武帝詩

乾坤極賴有吾儒。力挽澆風道不孤。一代每思臣稷

契。千載常念世唐虞。非天不出真豪傑。在我能為大

丈夫。五嶽蒼蒼何所峙。全憑正氣作中樞。周將軍話 告竣撤壇之期。少時有示。送駕返宮。

雲遊仙話 吾奉聖命報知。凡前年赴過壇者。皆有

一次赴壇此示。

初八夕 土神語 候半時何祖元君來壇降序

何祖元君詩

收刊句生

卷三

三

不是仙兮不是儒。西方老衲一僧徒。癡癡蠢蠢隨真性。倒倒顛顛出地途。拐杖橫撐空宇宙。蒲團穩坐大江湖。梵經未曉怎麼話。我只皈心認有無。

雲遊仙語 今夕已近子時。吾輩皆要朝謁上帝去。

初九夕

土神報 少刻雲遊仙降 再報 十八羅漢到。

彌勒尊者到 四大天王到 八大金剛到。

達摩祖師到 文殊師利到 佛祖駕臨。

佛祖詩話

誰把三魔五蘊空。毘盧頂上現神通。雲囊在手裝天地。玉磬傳聲醒瞶聾。滿腹慈悲圓湛湛。一團和氣笑融融。堪憐擾擾塵寰夢。流水疎花怨落紅。

吾在西方極樂之鄉。不染紅塵久矣。遙觀中土。戾炁衝天。黑風四起。我佛門中慈悲為本。不忍生民久受此孽障。故亦來壇一次。以救此劫。又因闕大帝相邀。今朝謁上帝而歸。故畧畧指點。

佛祖諭

夫人為萬物之靈。靈於何物平。抑靈於其心耳。心稍

有不誠則欺妄之念生。而心之靈必蔽。心稍有不正。則邪解之思入。而心之靈必亡。蓋心為載理之區。亦即藏欲之所。苟理不勝欲。而欲即足以勝理。一毫之差。千里之謬。聖賢仙佛所為。亟亟致力者。惟爭此須臾間耳。故儒曰正心。道曰修心。吾教則曰明心。其名雖異。而維持保護此心之功則同。所以欲淨理純。然後天心復存。誠去偽。然後物累捐。人能由此竟其功。反乎赤子之心。貞乎不貳之心。善養其心。擴充其心。自然靈明大啟。靈氣常伸。將見從事於儒。則至善可

止。從事於道。則丹砂可獲。若從事吾門者。所謂回頭彼岸。舉念須彌。非空非色。無我無人者。又何五蘊六塵之足累吾心哉。嗚呼。造化真機。陰陽消息。吉凶悔吝之交。氣數升降之故。是在有志於道之士。善為受持。善為充積。其中受用。真有不能言語形容者。若夫庸愚無識。靈明錮蔽。能持守不失。則鶴算可期。加保養之功。則長生可冀。此等以下之人。且能如是。況心學之修乎。諸生勉旃。急急滅却貪嗔心。滅却癡愛心。滅却淫慾煩惱等心。而以正心修心明心為法。則隨

在皆獲至寶矣。慎哉勿忽。

十六夕

土神報 戊正二刻水官降

列仙報 吾雲遊子隨水官駕到 吾乃廖隨護水

官駕到

解厄水官詩

中原太極早安排。物性全無一點乖。放矣寸懷彌六合。卷之萬有在孤齋。參天事業庸常就。立命工夫戒懼皆。萬彙淨從收斂固。根基醞釀暈和諧。

解厄水官論

人之生於斯世也。豐亨安樂。誰不願其遭逢。困苦顛連。孰甘陷於厄難。好惡之中。情欲見焉。而人心於是乎偽矣。厄難於是乎定矣。然而厄難之臨。有不得一概論者。解厄之條。亦不容拘於一偏者。彼夫聖賢豪傑。本無可厄者。而天或遽厄之。以玉成絕大之經綸。或終厄之。以完全千秋之盛節。以此降厄。而造就其人者。固解之亦有其時。不解亦有其義也。奸臣逆子。厄之必加者也。而天則不遽厄之。以稔其世道之大。

惡必終厄之以罹於極慘之刑誅。以此降厄固有不遲速不同者。固不為若輩解。而且不為若輩稍解也。至於平等之人。居心誠樸。行事忠厚。或因夙世之牽累而不能免厄難之臨。吾必考其夙世之因。或即時而解之。或不即時解之。而終必為之解者。此所以彰為善而勸不善之微意也。若夫居心巧詐。行事欺誣。或因夙世之餘行。倖免厄難之不及。迨至餘行耗盡。禍纏冤結。勿論厄之大者不能解。即厄之小者亦不能解。勿論厄之重者不能解。即厄之輕者亦不能解也。

此所以懲不善。勸為善之微意也。由此觀之。降厄者是天之定數也。解厄者是人之定理也。吾位職水官。事司解厄。雖相乎天之數。而實準乎人之理也。此所謂不得一概論者。不容拘於一偏也。此上天之元機。吾神解厄之實理。人能如此用心。以善為法。以惡為戒。則必不為厄所厄。即為厄所厄。而心終不能為所厄者。至於心不能為厄所厄。即有厄如無厄。並非厄於厄。慘於厄。求解厄。終不能免厄者。之可同日語也。能明乎此。則不必求解厄。水厄而水官解厄之微義。

自了了也。

十七夕

土神報 桂香殿列仙降

列仙報 吾王元帥 飛天魔王到 吾桂香殿狄

王 袁 楊 羅 唐

吾武帝部下廖奉命隨護文信國公駕臨

文信國公詩

三載磋磨仗節真望風搖尾愧降臣奮興一旅號山
鬼永念孤兒泣海神絕大功名惟史冊非常事業在

君親南雷張陸千秋鐵纜算金剛不壞身

廖將軍語 文信國公乃三帝邀請而來所降之文

宜錄刊此卷序後。送駕返宮。

土神報 桂宮及崇甯殿列仙至身文武二帝駕臨

武帝詩

存心濟世已多年。一點真誠達九天。落落塵寰皆夢
客。茫茫劫難尚癡眠。維持綸音宣十六。頻將善氣達
三千。儒林品望關風化。克己純修大道全。

文帝詩。

至妙文章本至情。日精嶽瀆萃靈英。花開東國留雲影。竹繞西河聽雨聲。潮海去來歸大信。風雷鼓盪繪真誠。羣倫各有天然性。失卻本來便不生。

二月初八夕

土神詩話。一縷爐煙一瓣香。滿堂佳氣接穹蒼。洗

心滌慮恒如是。那怕前程道阻長。少時桓侯降

四將軍報。吾乃張嚴馬王。

桓侯詩

害他害我兩相因。不義錢財怒鬼神。殺世凶刀終殺

已。燒人毒焰自燒身。斷腸鶴酒難消渴。過手銅山莫救貧。蕩盡家貲空有淚。窮途殘喘怨誰真。

窩賭剝財惡報文

夫賭博之害人不可言也。入其場者。不敗身家害性命。而遭天譴者。鮮矣。嘗見無業蕩子。殘刻貪夫。設賭博以營生。勾挑良善。伏陷坑而漁利。流毒士民。夥無賴以同謀。猶借口於招朋聚友。誘愚民而墮局。時設心於圖利剝財。未事則畫謀定計。結不漏之網羅。既事則暗弩伏弓。射無厭之財利。致使貧窮微賤。賣子

鴿妻時或殞厥性命。豪華富貴。領家蕩產。因此落於
下流。豈知天道好還。報應不爽。水火瘟疫。軍流大辟。
即是窩賭剝財。結局害人。身命下場。彼天律陽罰。如
是森嚴。豈陰法冥刑。俾能寬恕。吸人脂膏。罪發野狗
分食。害人性命。押赴銅蛇吞身。刀山劍樹。報其奸心。
火焰寒冰。償彼窩賭。種種刑誅。皆由局賭所致。明明
慘報。爾輩急宜改圖。

人善欲甘。欲良。欲甜。欲酸。欲苦。欲辛。欲鹹。欲淡。欲香。欲臭。欲酸。欲苦。欲辛。欲鹹。欲淡。欲香。欲臭。

